



UNIVERSITÄTS-  
BIBLIOTHEK  
PADERBORN

## **Jus Canonicum Practice Explicatum**

Seu Decisiones Casuum Ad Singulos Decretalium Gegorii Papæ IX. Titulos,  
& ad Consuetum Referendi Modum accommodatæ

Complectens dimidiam Decretalium Partem, videlicet nonaginta duos  
Titulos, nimirum usque ad Titulum XX. Libri de Feudis exclusivè

**Pichler, Vitus**

**Ingolstadii, 1728**

Quæst. An hoc iter habuerit vim Appellationis?

---

[urn:nbn:de:hbz:466:1-62305](https://nbn-resolving.org/urn:nbn:de:hbz:466:1-62305)

## QUÆRITUR,

*Utrum hæc profectio Romana habuerit vim appellationis, ita ut nova collatio tanquam attentatum sit cassanda?*

**V**idetur, quòd non. I. quia Lucius in suis litteris ad Curiam Episcopalem datis nec verbulò indicavit, se appellare ad Curiam Romanam: ergo hæc profectio non habet vim appellationis; cùm actus non operentur ultra intentionem operantium, intentionem autem appellandi non expresserit Lucius iter Romanum arripiens, adeoque ea non sit præsumenda. II. quia *c. un. h. t.* tantùm prohibet, ne extrajudicialiter aliquid attentetur contra iter ingressum: ergo inter attentata non est reputandum, quod *Judex* disponit contra talem: ergo nova privatio, à Curia Episcopali facta, subsistit, & attentatum non est, nec revocanda aut cassanda.

Verùm dubitare non finit, quin hoc iter susceptum habeat vim appellationis, & nova collatio Beneficii, utpote facta lite & appellatione pendente, pro attentato, seu pro actu cassando habenda sit, dispositio *d. c. un. h. t.* quod sic habet: *cùm hi, qui accedunt ad presentiam nostram (Pontificis) cum rebus eorum debeant esse sub Apostolica protectione securi: mandamus, quidquid eidem presbytero post iter arreptum ad nos veniendi subtractum vel ablatum, sibi restitui faciatis.* Ergo nova collatio, qua in effectu &

executive beneficium parochiale ablatum, & alteri collatum est, non est aliud quàm attentatum, necessarium retractandum & tollendum ante omnia, cùm hujusmodi iter intra decem dii spatium arreptum reputetur pro appellatione reali. DD. in *c. un. de app. c. 52. de appellat.*

Cui dispositioni nihil derogant contrarium allata. Ad I. ajo, hæc Lucius in litteris non expresserit, appellare, ipsum tamen *Jus in d. c. 52. c. 52.* satis expressit, per arreptum itineris Romani appellationem fieri; cùm appellatio hæc factò, non verbis, censeatur interposita, per *52. cit.* & hujusmodi peregrinatiocepta plùs operetur, quàm appellatio verbalis, eò quòd etiam relevet in onere petendi apostolos, quod non operatur appellatio verbalis. Antiquar. in *c. 6. de appellat. in 6. n. 3. n. 4.* Ad II, quia dispositio *c. un. h. t.* generaliter prohibet, ne quid attentetur contra proficiscentes Romanos, ut sint sub Apostolica protectione securi, etiam generaliter est intelligenda, non tantùm de attentato à privatis, sed à Judice post iter arreptum. Et sic generaliter accipiunt Doctores. Atque hoc idem intelligi debet de causa, quod quis litem sibi moveri intelligens ad Sedem Apostolicam iter ingressus est.



vel nuntium direxit, modo non prius  
vel citatione praventus fuerit, vel  
cognoverit ante arreptum iter, cau-  
sam jam fuisse à dicta Sede alicui com-  
missam seu delegatam; tunc enim  
perinde est, ac si ad Sedem Apосто-

licam provocasset, ita ut Judex alius,  
coram quo fuisset conveniendus, pro-  
cedere contra ipsum nequeat. *c. un.  
cit. c. 9. c. 30. de appellat. P. Wiestner  
ad h. t. n. 2.*

## TITULUS XXX.

### De Confirmatione Utili, vel Inutili.

#### DECISIO LXXIII.

De Confirmatione donationis Decimarum à Ponti-  
fice facta, & coram Episcopo impugnata.

#### SPECIES FACTI.

Wilhelmus Germaniæ Princeps  
fundato à se Hospitali assi-  
gnavit, & cum consensu Episcopi do-  
navit decimas satis magni districtus,  
aque hujus donationis confirmatio-  
nem à Sede Apostolica impetravit:  
Successor Wilhelmi has decimas re-  
cupere cupiens donationem tan-

quam invalidè factam impugnavit co-  
ram Episcopo. Sed Hospitale pro-  
vocavit ad Summum Pontificem; qui  
donationem confirmavit, & Episco-  
po potestatem esse cognoscendi de  
actu per Pontificem confirmato ro-  
tundè negavit. Proin resolvenda est

#### QUÆSTIO.

Quæstio. An Episcopus cognoscere possit de hac donatione Decima-  
rum à Pontifice confirmata?

Non desunt fundamenta Juris pro  
facultate cognoscendi ex parte  
Episcopi, uti l. Confirmatio hæc Pa-  
palis fuit data solum in forma com-

muni: Sed talis confirmatio Superio-  
ris non impedit cognitionem inferio-  
ris. per *c. illa 2. ne Sede vacante. & c.  
quia diversitatem 5. de concess. preb.  
ergo.*